



Inatsisartunut ilaasortaq  
Hans Aronsen, Inuit Ataqtigiit  
/MAANI

## Kitaani sinerissamut qanittumi saarullit pillugit § 37 apeqqut nr. 026-imut akis-suteqaatit

26-01-2017  
Suliap nr.2017-1200  
All. nr 4354972

Inatsisartut suleriaasissaanni § 37, imm. 1 naapertorlugu Naalakkersuisunut apeqqute-qaateqarputit. Apeqqut uanga suliassaqaqfigisannit akineqartussanngorlugu innersuun-neqarpoq.

Postboks 269  
3900 Nuuk  
Oqarasuaat (+299) 34 50 00  
Fax: (+299) 34 63 55  
E-mail: apnn@nanoq.gl  
www.naalakkersuisut.gl

Apeqqut:

1. Ullumikkut nuna tamakkerlugu umiatsiaararsortuni aammalu 6 meter sinnilinniit 29 fods tikillugu saarullinniarnermi pisassiarnermi ilisimatuussutsikkut suut tunngavigineqartarpat?

**Akissut:** Nalunaarutigineqarsinnaavoq, Pinngortitaleriffik ukiut tamaasa sumiif-finni sinerissamut qanittumiittuni saarullinnik misissuisarmat, tassani aalisqaq-sutsip angissusia, qanoq ukioqarneri aamma angissutsikkut agguataarsimanerat missiliuunneqartarluni. Peqatigalugu Pinngortitaleriffik ukiumoortumik misiligutissatut uuttuinerik amerlasuunik katersisarpoq, tassanissaaq saarullit aalisarnermi nalaan-neqartartut qanoq angitiginerisa agguataarneqarsimanerisa naliliivigineqarnis-saannut tamakku tunngaviliisartut. 2016-imi saarullit inuussutissarsiutigalugu sinerissamut qanittumi aalisarnermeersut saarullit 22.000-it Upernavimmiit Kalaallit Nunaata kujataanut agguataarlugit uuttoarneqarput.

2. Sinerissap qanittuani tamakkiisumik saarullinniarnermi pisassiarnermi suut tunngavigineqartarpat?

**Akissut:** Sinerissamut qanittumi saarullinnut pisassiissutit aalajangersarneqar-nerini APN aalisqaqassutsikkut siunnersuinermit Pinngortitaleriffimmeersumit pis-sarsisarpoq. Aalisarneq pillugu Inatsimmi § 2 imm. 3 naapertorlugu pingaartin-neqartarpoq "...aalisarneqarsinnaasut aalisariutillu piasinnaasaasa imminnut naleqquttuunissaat, kiisalu aalisarnermik inuussutissarsiuteqarnermi, suliffis-suarni suliareqqiisarfiusuni inuussutissarsiutinilu allani inuussutissarsiummut attuumassuteqartuni aningaasarsiornikkut suliffissaqartitsiniarnikkullu isiginia-gassat pingaartinneqassapputtaaq."

3. Bundgarnersorluni saarullinniarnermi ullormut pisat qaavisigut bundgarniniit avammut aniseqqinneqartartut ilisimaneqarpat?

**Akissut:** Tamanna ilisimaneqarpoq annertussusaalli ilisimaneqarani.

4. Umiatsiaararsorluni bundgarniniit aniseqqinneqartartuni angissutsit assigiinngi-tsut ilisimaneqarpat?

**Akissut:** Apeqquut 3-misut apeqquummut akissutip assinga.

5. Umiatsiaaqqani 6 meter sinnilinniit qummut 29 fods tikillugu bundgarnersorluni aniseqqinneqartuni angissutsit assigiinngitsut ilisimaneqarpat?

**Akissut:** Apeqquut 3-misut apeqquummut akissutip assinga.

6. Saarullinnik pisassiisarnermi tunngavigineqarsinnaasut katersorneqarsimappata, aalisartut aalisarnermi peruserisaat, pingaartitaat, allallu ilisimaneqarpat?

**Akissut:** KANUAANA-mit tunisinermit nalunaarutiginnittarnerit katersorneqartarput, tassani aalisarmi atortut aamma pisiarinneqqaarnerup nalinga pillugit paassutissiisoqartarluni.

7. Tunngavilersuummi qassusersorluni saarullinniarnermi qassutit pissutaallutik nigartaat mikisut napitsinneqarsinnaannginnerat ilanngunneqarpa?

**Akissut:** Saarullinnik aalisarnermut atatillugu annikinnerpaamik nigartat angisuseqartinneqartarput, tassani qularnaarniarlugu saarullinnik mikisunik pisaqannginnissaq

Inussiarnersumik inuulluaqqusillunga

Hans Enoksen